



Broj: 01-14-6529-5/16
Sarajevo, 16.12.2016. godine

Na osnovu člana. 70. i 89. Zakona o javnim nabavkama BiH ("Službeni glasnik BiH", br.:39/14), a u vezi sa članom 38. Statuta Grada Sarajeva ("Službene novine Kantona Sarajevo", broj 34/08,-Prečišćeni tekst), gradonačelnik Grada Sarajeva, donosi

ODLUKU

o izboru najpovoljnijeg ponuđača putem Konkurentskog zahtjeva

I

Prihvata se ponuda ponuđača „PENNY PLUS“ d.o.o. Sarajevo, ulica Igmanska bb Vogošća, broj ponude: 09-12-16 od 09.12.2016. godine, za nabavku dječijih novogodišnjih paketića za 2017. godinu, u postupku provođenja javne nabavke putem Konkurentskog zahtjeva.

II

Sa ponuđačem „PENNY PLUS“ d.o.o. Sarajevo, zaključit će se Ugovor o nabavci iz tačke I ove odluke.

III

Ova odluka stupa na snagu danom donošenja.

Obrazloženje:

Odlukom broj:01-14-6529/16 od 05.12.2016. godine, pokrenut je postupak javne nabavke „Nabavka dječijih novogodišnjih paketića za 2017.“, putem Konkurentskog zahtjeva. Obavještenje o nabavci objavljeno je na portalu Agencije za javne nabavke broj: 1278-7-1-155-3-29/16 dana 05.12.2016. godine.

Otvaranje ponuda obavljeno je 13.12.2016. godine.

Komisija za javnu nabavku, imenovana Rješenjem Gradonačelnika broj:01-14-6529-1/16 od 05.12.2016. godine, sačinila je Zapisnik o pregledu i ocjeni ponuda od 16.12.2016. godine, u kojem je navedeno da je u određenom roku za dostavljanje ponuda na protokol ugovornog organa zaprimljeno 4 (četiri) ponude i to: BINGO d.o.o. Tuzla, PENNY PLUS d.o.o.Sarajevo, INTER-COM d.o.o. Zenica i AMKO KOMERC d.o.o. Sarajevo
Nakon otvaranja ponuda izvršena je detaljna analiza prispjelih ponuda, gdje je utvrđeno sljedeće:

- Ponuda ponuđača BINGO d.o.o. Tuzla nije prihvatljiva za ugovorni organ iz razloga jer je ponuđač BINGO d.o.o. Tuzla, dostavio ANEKS 3 Tenderske dokumentacije – Povjerljive informacije, koji nije potpisan i opečaćen od strane ponuđača.

Naime, ponuđač je bio u obavezi da dostavi uz ponudu potpisan i opečaćen obrazac ANEKS 3- koji je sastavni dio ponude ponuđača.

- Ponuda ponuđača AMKO KOMERC d.o.o. Sarajevo nije prihvatljiva za ugovorni organ jer nije dostavljena u skladu sa tenderskom dokumentacijom, odnosno tačkom **4. Uputstvo ponuđačima kako da sačine ponudu-Način dostavljanja ponuda** u kojem je navedeno da ponuđač dostavlja jednu originalnu ponudu i jednu kopiju ponude. Original i kopija ponude trebaju biti zapečaćene u jednoj neprovidnoj koverti. Ponuđač AMKO KOMERC d.o.o. Sarajevo nije dostavio kopiju ponude, odnosno dostavio je samo

originalnu ponudu. Također ponuđač AMKO KOMERC d.o.o. nije dostavio drugu stranu ANEXA 2-Orbazac za cijenu ponude, odnosno dostavljena je samo prva strana istog.

Ponude ponuđača PENNY PLUS d.o.o. Sarajevo i INTER-COM d.o.o. Zenica su prihvatljive za ugovorni organ, odnosno dostavljene su u skladu sa zahtjevima ugovornog organa i tenderskom dokumentacijom.

Komisija je utvrdila cijene prihvatljivih ponuda sa PDV-om kako slijedi:

1. PENNY PLUS**9.851,40 KM**
2. INTER COM.....**15.795,00 KM**

U skladu sa članom 17. stav (7) alineja b. Uputstva za pripremu modela tenderske dokumentacije i ponuda ("Službeni glasnik BiH" broj: 90/14) kojim je propisano da ugovorni organ obavezno od ponuđača traži objašnjenje cijene ponude koju smatra neprirodno niskom u slučaju kada je cijena najniže ponude za više od 20% niža od cijene drugorangirane ponude, te imajući u vidu činjenicu da ponuđena cijena ponuđača PENNY PLUS d.o.o. Sarajevo iznosi **8.420,00 KM bez PDV-a odnosno 9.851,40 KM sa PDV-om**, a ponuda ponuđača INTER-COM d.o.o. Zenica iznosi **13.500,00 KM bez PDV-a odnosno 15.795,00 KM sa PDV-om**, ugovorni organ je uputio poziv broj: 03-14-6529-4/16 od 14.12.2016. godine, ponuđaču PENNY PLUS d.o.o. za pojašnjenje/objašnjenje neprirodno niske ponuđene cijene u odnosu na dostavljenu cijenu drugorangirane prihvatljive ponude.

Također, zatraženo je da ponuđač PENNY PLUS d.o.o. Sarajevo, uz pojašnjenje dostavi i uzorak jednog paketića.

Ponuđač PENNY PLUS d.o.o. Sarajevo je dostavio pojašnjenje ponuđene cijene, broj: 15-12/16 od 15.12.2016. godine u kojem navodi da su njihove cijene najniže jer su domaća kompanija koja ide sa nevjerovatno niskim maržama, pogotovo kada su dječiji paketići u pitanju, a imaju izuzetno kvalitetnu robu.

Također, dostavljen je i uzorak jednog paketića, gdje je utvrđeno da sastav dostavljenog uzorka zadovoljava zahtjeve ugovornog organa.

Na osnovu kriterija najniža cijena tehnički zadovoljavajuće ponude, Komisija za javnu nabavku daje preporuku gradonačelniku da se ugovor za nabavku novogodišnjih paketića za 2017. godinu, dodjeli ponuđaču PENNY PLUS d.o.o. Sarajevo, koji je dostavio najnižu cijenu u iznosu od **8.420,00 KM bez PDV-a odnosno 9.851,40 KM sa PDV-om**.

U postupku donošenja odluke posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjelih ponuda u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Prihvatajući preporuku Komisije gradonačelnik Grada Sarajeva je donio ovu odluku.

POUKA O PRAVNOM LIJEKU:

Ponuđač koji je učestvovao u postupku javne nabavke može radi zaštite svojih prava i pravnih interesa u roku od pet (5) dana od prijema obavijesti (odluke) o izboru najpovoljnijeg ponuđača izjaviti žalbu ugovornom organu u dovoljnom broju primjiraka.

GRADONAČELNIK

Prof. dr Ivo Komšić

DOSTAVITI:

- Ponuđačima
- a/a